

民

一在京各衙門辦事官吏納豆出身則例

一申明辦事官吏納豆則例

一各衙門丁憂吏典查無粘帶送吏部放回例

一救荒不許奏開生員人等納糧納草吏典於

農民選充

一申明吏役不許用頂頭錢

一吏典爲事查碍行止不待役滿就發爲民

一禁約各衙門賣放辦事吏及本吏侍頑在逃

行拿一年不復役者爲民

停止吏典納草例

成化八年十二月十二日吏部題爲吏役事

驗封清吏司案呈准錦衣衛并刑部貴州清

吏司等衙門手本開看印巡風押因遞送公

文等項缺吏差用等因到司案照近該戶部

咨開議得陝西河南四川山東山西并北直

隸所屬一考役滿吏典有能納草一千束及

兩考役滿吏役有能納草陸百束起送赴部

免其辦事考試就撥在京其兩吏典有能納

草八百束考就於本布政司撥補一考滿日

赴部免考就於冠帶辦事納草一千一百束

者并在京各衙門辦事及到部記名吏典有

願納草六百束者俱免京考就於冠帶辦事

其在京各衙門見役當該一年以上者令家屬代納草束三百束二年以上者納草二百束三考已滿者納草一百五十束通閱至日起送吏部免其考試給與冠帶俱照資格選用等因案查得成化八年二月起除外京納草吏典外其在京各衙門等項願告納草吏典陳聚等一千四百餘名即令陸續告納未已各衙門奏得缺人書辦不無候事况此例止可暫行難爲常法即今草已長盛合無自成化八年六月二十日爲始將各在京各衙門辦事并見役當該及到部記名吏典納草事例截日停止其陝西河南四川山東山西并北直隸所屬一考兩考三考役滿參完記

名在家吏典納草者至米月終悉止該停廢法度不廢名器不濫而辦事不致缺人其先次并今年吏典有報名者上草出外遊蕩及回原籍潛住虛曠書辦月日以後托故告回書辦雖有執照文憑不准俱發重歷其不依引限期候草賤之時方纔上役上納草束無益軍前急用此等吏典宜從所在官司提問回報發落緣係停止事例未敢擅便具題奉

聖旨是欽此